



Na osnovu člana 13. i 18. Zakona o principima lokalne samouprave u FBiH ("Službene novine FBiH", broj 49/06), člana 9. stav (3) Zakona o šumama ("Službene novine KS", broj 5/13, 10/21, 19/22 i 5/23) i člana 88. Poslovnika o radu općinskog vijeća Trnovo ("Službene novine KS", broj 12/08 i 36/08), povodom tačke dnevnog reda, Zaključak o davanju mišljenja na Godišnji plan realizacije šumskoprivrednih osnova za 2025. godinu, a vezano za akt Ministarstva privrede KS broj: 07-08-22-52050-7/24 od 03.12.2024. godine, Općinsko vijeće Trnovo na 3. sjednici, održanoj dana 30.12.2024. godine, donosi:

ZAKLJUČAK

I

- Od KJP „Sarajevo –šume“ d.o.o. Sarajevo pismenim putem tražiti podatak o realizaciji godišnjih planova po obimu radova za 2021, 2022, 2023 i 2024 o sječi, izvršenim šumsko-uzgojnim radovima i obavljenim tehničkim prijemima odjela za iste godine. Koje će mjere biti poduzete za sanaciju trajno nastalih šteta.
- Izvršiti sanaciju uništenih puteva i pružiti garancije za buduće održavanje putne infrastrukture.
- Uspostaviti transparentan sistem praćenja i izvještavanja o svim radovima u šumarstvu na području ŠGP „Trnovsko“.
- Da KJP „Sarajevo –šume“ d.o.o. Sarajevo obrazloži dali je jedan od razloga nepoštivanja zakona o šumama KS samo na području ŠGP „Trnovo“ ukidanje kaucije za odjele koja je u predhodnim periodima obavezna za izvođača radova, ako se zna da cijeli plan realizacije ŠGP „Trnovo“ otpada na privatna lica. Dali im se tim postupkom pogodovalo da rade kako im je volja a da odgovorna lica u ŠU „Trnovo“ i KJP „Sarajevo –šume“ po tom pitanju ništa nisu poduzela, ako se zna da na cijelom ŠGP „Trnovo“ nije ukupno razduženo preko 50 odjela za koje su uredno istekli projekti.
- Da se dostavi izvještaj od svih inspekcija Kantonalnog i Federalnog nivoa šta su poduzele po ovom pitanju i dali su i u kom obimu izrečene kazne ili upravne mjere bilo kog karaktera koje se odnose na realizaciju poslova ŠU „Trnovo“.
- Obavjestiti sve zastupnike u Skupštini Kantona Sarajevo upoznati ih o kršenju svih zakonskih mjera u predhodne 4 godine i obavjesti i medije o istom.
- Zadužiti pravobranilaštvo Općine Trnovo da podnese krivične prijave protiv odgovornih lica u KJP „Sarajevo –šume“ d.o.o. Sarajevo zbog nepoštivanja Zakona o šumama KS i neizvršavanja Godišnjih planova u skladu sa zakonom na području ŠGP „Trnovsko“.
- Od KJP „Sarajevo –šume“ d.o.o. Sarajevo pribaviti podatak o utrošku sredstva u iznosu od 427.000,00 KM koja su naplaćena od Općine Trnovo.

II

Zaključak stupa na snagu danom donošenja .

Broj: 01-02-246

Datum: 22.01.2025

Predsjedavajući

Općine Trnovo

nović